



# COMUNU DE CABUDERRA

Tzitadi Metropolitana de Casteddu

---

## DELIBERATZIONI DE SA GIUNTA COMUNALI N. 33 DE SU 22/02/2023

OGETU: CUNTZESSIONI PATROTZÌNIU A INDONU A FAVORI DE SA DIREZIONI DIDÀTICA 2 TZÌRCULU DE CABUDERRA PO SU PROGETU “LA SCUOLA DEBULLIZZATA” (SA SCOLA SENA DE BULLISMU).

S’ annu 2023, su 22 de su mesi de Friàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s’ est atobiada sa Giunta Comunali cun is personis chi sighint:

### ***Nòmini e Sangunau***

Beniamino Garau  
Dessi Donatella  
Frongia Pietro  
Montis Giovanni  
Sorgia Silvia  
Solinas Marco  
Garone Katuscia

### ***Càrriga***

Sìndigu  
Assessori  
Assessori  
Assessori  
Assessori  
Assessori  
Assessori

### ***Presenti***

Eja  
Eja  
Eja  
Eja  
Eja  
Eja  
Eja

**Presentis: 7**

**Ausentis: 0**

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s’ adunàntzia.

---

## SA GIUNTA COMUNALI

### **Postu chi:**

- cun annotadura de su 17 de friàrgiu 2023, arricida de su Protocolu Generali de custu Enti cun n. 7474, su Dirigenti Scolàsticu de sa Direzioni Didàtica 2° Tzirculu, at pediu su Patrotzìniu de su Comunu de Cabuderra a su progetu “*La scuola debullizzata*” – chi s’at a fai a s’acabu de su mesi de maju in is scolas *Residenza del Sole* e de Bia Caprera;
- su Progetu est de importu mannu po sa preventzioni de s’arriscu de su bullismu, po promovi s’ educatzioni a s’arrespetu s’ unu cun s’àteru e po spainai sa cultura de sa legalidadi;

**Torrada sceda** bona a s’ iniziativa;

**Ca** sa cuntzessioni de su Patrotzìniu est disciplinada de su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

**Pigau atu** de s’ artìculu 2 de su Regulamentu “Su Patrotzìniu est un’ atu autònomu cunforma a àteras formas de interventu comunali, comenti cuntzessionis de sali, de strukturas, de contributus, e sa cuntzessioni sua est riservada sceti a sa cumpetèntzia de sa Giunta Comunali chi intervenit cun Deliberatzioni cosa sua”;

**Arriciu** parri a favori po su chi pertocat sa regularidadi tècnica cunforma a s’ art.49, c. 1, de su D.Lgs. n.267/2000, de parti de su Responsàbili de su Setori;

**Pigau atu** chi cunforma a s’ art. 49 de su D.Lgs. n.267/2000, custu provedimentu no est sugetu a parri contàbili ca no ocasionat mudamentus diretus o indiretus a sa situatzioni econòmica - finantzària o a su patrimoniu de s’ enti;

Cun votatzioni a totòmini cunforma a sa lei;

## DELÌBERAT

**De cuntzedi**, cunforma a su Regulamentu po sa cuntzessioni de su Patrotzìniu Comunali, su Patrotzìniu a indonu de su Comunu de Cabuderra a su progetu “*La Scuola Debullizzata*” chi s’at a fai a s’ acabu de su mesi de maju me in is plessus scolàsticus de *Residenza del Sole* e de Bia Caprera;

**De autorizai** sa Direzioni Didàtica 2° Tzirculu de Cabuderra a s’imperu de su Stema de su Comunu de Cabuderra, cunforma a s’art. 10 de su Regulamentu arremonau, asuba de su materiali promotzionali e me in is documentus e finas in is targas chi s’ant a ponni in is plessus de Bia Caprera e *Residenza del Sole*;

**De si riservai** su diritu rèvoça de su Patrotzìniu in s’ in casu de cunditzionis previdias de s’ artìculu 13 de su Regulamentu;

---

**De donai atu** chi sa cuntzessioni de su Patrotzìniu no liberat de òbligu perunu a is organizadoris, previdiu de sa lei e/o regulamentu, pertocanti s'atividadi asuta de patrotzìniu;

**De decrarai** chi sa cuntzessioni de su Patrotzìniu no rapresentat un' autorizazioni a s' imperu de struturas comunalis o a s' ocupazioni de logus pùblicus chi depint essi pedius cunforma a is dispositzioni in vigèntzia;

**De donai atu** chi custu provedimentu no ocasionat gastus a càrrigu de su Comunu de Cabuderra;

**De decrarai** chi custu provedimentu at a balli luegus etotu, cunforma a s' artìculu 134, corriedda 4, de su d.Lgs. n. 267/2000.

---